



Adresa: **Ul. Hamdije Čemerlića 39a**
71000 Sarajevo

tel. +387 33 726 400
fax. +387 33 726 423
e-mail: info@voda.ba

Broj: **UP-I/25-2-40-354-2/21**

Datum: **16.08.2021. godine**

„Agencija za vodno područje rijeke Save“ Sarajevo rješavajući po zahtjevu investitora, „DRAGANOVIĆ JASMIN“ iz Cazina za donošenje rješenja o vodnoj saglasnosti za ispuštanje tehnoloških otpadnih voda koje nakon upotrebe dopijevaju u vode i ispuštanje oborinskih onečišćenih voda sa lokacije poslovnog objekta samouslužne autopraonice, predviđenog za gradnju u naselju Stijena, Grad Cazin, na osnovu člana 109. stav (1) tačka 2., a u vezi sa članom 114. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98 i 48/99), donosi:

RJEŠENJE **o vodnoj saglasnosti**

1. Investitoru, fizičkom licu DRAGANOVIĆ JASMINU, daje se vodna saglasnost za ispuštanje tehnoloških otpadnih voda sa lokacije poslovnog objekta samouslužne autopraonice, predviđenog za gradnju na zemljištu označenom kao k.č. broj: 2239/1 K.O. Stijena, u naselju Stijena, Grad Cazin, a u skladu sa revidiranom projektnom dokumentacijom:
Glavni projekt vanjskih hidroinstalacija sa tretmanom otpadnih voda, sa lokacije predviđene za izgradnju objekta samouslužne autopraonice urađen od strane EUROING d.o.o. Bihać urađen pod brojem AGP 11-06/21, juna 2021. godine, revidiran od strane TQM d.o.o. Lukavac; broj: 10-101-21, protokol 2212/21, dana 30.06.2021. godine, u Lukavcu, a u postupku pribavljanja građevinske dozvole.
2. Ova vodna saglasnost ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr..
3. Vodna saglasnost se daje na osnovu utvrđenog činjeničnog stanja i pregleda investiciono-tehničke dokumentacije navedene u tački 1. ovog Rješenja, koja se ovjerena od strane ove Agencije u skladu sa odredbama člana 114. stav (3) Zakona o vodama, vraća investitoru na trajno čuvanje i čini sastavni dio ovog rješenja.
Vodna saglasnost se daje pod slijedećim uslovima:
 - 3.1. Radove na izgradnji sistema za prikupljanje, tretman i ispuštanje otpadnih voda sa lokacije samouslužne autopraonice izvesti u skladu sa projektnom dokumentacijom iz tačke 1. dispozitiva ovog Rješenja.
 - 3.2. Od isporučioaca separatora pribaviti garanciju da će parametri kvaliteta prečišćenih voda biti u granicama propisanih vrijednosti, definisanih u tabeli 1.1. kolona 3. Priloga 1. Uredbe o uslovima ispuštanja tehnoloških otpadnih voda u prirodne recipijente i sisteme javne kanalizacije (službene novine Federacije BiH, broj 26/20).
 - 3.3. Način ugradnje separatora i stavljanje istog u pogon uskladiti sa proizvođačem opreme u svim fazama.
 - 3.4. Na odvodnom cjevovodu, neposredno iza separatora, izvesti posebno reviziono okno koje će služiti kao okno za uzimanje uzoraka (monitoring okno).
 - 3.5. Izvršiti ugradnju kanalisa, slivnika i sl., te asfaltiranje svih manipulativnih površina sa nivelisanjem, ili betoniranjem površina, a prema projektnoj dokumentaciji na osnovu koje se pribavlja odobrenje za gradnju.
 - 3.6. Materijal iz iskopa i građevinski otpadni materijal se ne smije privremeno niti trajno odlagati na prostoru vodnog dobra, odnosno u korita i na obale vodotoka.

- 3.7. Nakon polaganja interne kanalizacione mreže izvršiti ispitivanje iste na vodonepropusnost i sačiniti zapisnik o izvršenom ispitivanju i isti ovjeriti.
- 3.8. Tokom izvođenja radova, neophodno je poduzeti sve potrebne mjere zaštite, kako predmetnim aktivnostima ne bi došlo do nastanka štete ili nepovoljnih posljedica po vode i vodni režim te postojeće korisnike voda.
4. Ukoliko se tokom izvođenja radova i korištenja predmetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procijenjenu štetu nadoknaditi.
5. Po završetku izgradnje predmetnih objekata i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata („Sl. novine FBiH“ broj: 31/15, 55/19 i 41/20).
6. Ovom Rješenju o vodnoj saglasnosti prestaje valjanost istekom roka od **dvije godine** od dana pravosnažnosti iste, ukoliko u tom roku ne bude pribavljeno odobrenje za građenje i započeta izgradnja objekta.
7. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenju ovog vodnog akta.

O b r a z l o ž e n j e

Investitor, Draganović Jasmin iz Cazina, obratio se ovoj Agenciji dana 09.08.2021. godine, zahtjevom za izdavanje vodne saglasnosti za ispuštanje tehnoloških otpadnih voda koje nakon upotrebe dopijevaju u vode te ispuštanje onečišćenih oborinskih voda sa lokacije poslovnog objekta samouslužne autopraonice, predviđenog za gradnju na zemljištu označenom kao k.č. broj: 2239/1 K.O. Stijena, u naselju Stijena, grad Cazin.

Uz zahtjev za izdavanje vodne saglasnosti dostavljena je slijedeća dokumentacija:

A) Opća dokumentacija

- Ovjerena kopija lične karte podnosioca zahtjeva,
- Kopija Rješenja o prethodnoj vodnoj saglasnosti broj UP-I/25-1-40-399-7/20 od 12.11.2020. godine izdatog od strane AVP rijeke Save na ime investitora Draganović Jasmin - Cazin,
- Kopija naloga za plaćanje upravne pristojbe,
- Potvrda, kojom operator javnog gradskog vodovodnog i kanizacionog sistema potvrđuje da položaj objekta u odnosu na postojeću vodovodnu mrežu, ima sve tehničke uslove za priključak na vodovodnu mrežu kod JKP „Vodovod“ Cazin broj: 04-19-2371/20, izdata dana 31.08.2020. godine,
- Rješenje o izdatoj urbanističkoj saglasnosti (kopija) za izgradnju poslovnog objekta – samouslužna autopraonica u naselju Stijena na zemljištu označenom kao k.č. 2239/1 k.o. Stijena – novi premjer odnosno k.č. 223/1 k.o. SP Stijena – stari premjer, na ime Draganović (Huse) Jasmin, izdata od strane Službe za urbanizam i zaštitu okoliša Grada Cazina pod brojem 04-19-2371/20 dana 09.12.2020. godine

B) Projektna dokumentacija

Glavni projekat vanjskih hidroinstalacija sa tretmanom otpadnih voda za poslovni objekat Samouslužne autopraonice fizičkog lica Draganović Jasmin u naselju Stijena, grad Cazin izrađen od strane Euroing doo Bihać, juna 2021.godine, br. Elaborata AGP 11-06/21.

- Izvještaj o izvršenoj reviziji Glavnog projekta vanjskih hidroinstalacija sa tretmanom otpadnih voda za poslovni objekat Samouslužne autopraonice fizičkog lica Draganović Jasmin u naselju Stijena, grad Cazin izrađen od strane TQM doo Lukavac, 30.06. 2021.godine, br. Izvještaja 10-101-21, broj protokola 2212/21.
- Uvidom u dostavljeni Glavni projekat utvrđeno je:
Da je projektna dokumentacija izrađena i revidirana od strane pravnih lica sa ovlaštenjem.

Poslovni objekt samouslužne autopraonice predviđen je za gradnju u naselju Stijena, grad Cazin, na zemljištu označenom kao k.č. broj: 2239/1 K.O. Stijena, grad Cazin.

Projektom dokumentacijom je planirano da se objekt snabdijeva vodom sa javnog gradskog vodovodnog sistema prema uvjetima operatora istog.

Otpadne tehnološke vode sa radnih površina samouslužne autopraonice će se prikupljati slivnicima sa rešetkama te kanalizacionom mrežom odvesti do uređaja za tretman otpadnih tehnoloških voda, zajedno sa oborinskim onečišćenim vodama koje mogu biti zauljene, koje na predmetnoj lokaciji nastaju u kontaktu oborinskih voda sa manipulativnim, saobraćajnim i parking površinama. Iste će se prikupljati putem slivnika sa rešetkom, kanalizacionom mrežom odvesti do uređaja za tretman, a zatim prečišćene preko okna za monitoring ispustiti ukopanim odvodnim cjevovodom u planirani recipijent – upojni bunar.

Prikupljanje oborinskih voda sa krova nadstrešnice-nezagađene oborinske vode, riješit će se putem krovnih slivnika, vertikalama niz objekat, te kanalizacionim cijevima odvesti i direktno ispustiti u recipijent – upojni bunar.

U dokaznom postupku utvrđeno je da je projektna dokumentacija urađena u skladu sa uslovima iz prethodne vodne saglasnosti, broj: UP-I/25-1-40-399-7/20 od 12.11.2020. godine, izdane od strane Agencije za vodno područje rijeke Save, Sarajevo, te je shodno članu 114. Zakona o vodama, izdano rješenje o vodnoj saglasnosti upisivanjem broja i stavljanjem otiska pečata ove Agencije na revidiranu projektnu dokumentaciju: Glavni projekt vanjskih hidroinstalacija sa tretmanom otpadnih voda, sa lokacije predviđene za izgradnju objekta samouslužne autopraonice vlasnika DRAGANOVIĆ JASMINA u Cazinu; urađen od strane EUROING d.o.o. Bihać urađen juna 2021. godine, revidiran od strane TQM d.o.o. Lukavac; broj: 10-101-21, dana 30.06.2021. godine, u Lukavcu, a u postupku pribavljanja građevinske dozvole.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama Zakona o vodama i Pravilnika o sadržaju, obliku, uslovima, načinu izdavanja i čuvanja vodnih akata. Podnosilac zahtjeva je na ime izdavanja ovog vodnog akta izvršio uplatu upravne takse u iznosu od 60,00 KM, u skladu sa članom 7. stav (1) tarifni broj 43. Zakona o federalnim upravnim taksama („Službene novine Federacije BiH“, broj 6/98, 9/08, 45/10 i 43/13).

Uputa o pravnom lijeku:


Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 (petnaest) dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Fuad Mujagić, dipl. inž.

Prilog: Ovjerena dokumentacija navedena u tački **B)** obrazloženja rješenja

Po ovlaštenju
Rukovodilac sektora za izdavanje vodnih akata


Haris Ališehović, dipl. inž. građ.

Dostaviti:

- JASMIN DRAGANOVIĆ, Stijena bb, Cazin 77220 (sa prilogom)
- AVP Sava, ISV – Vodna knjiga
- Sektor 40, arhiva
- Oglasna ploča - AVP Sava